



Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ

E-mail: Info@xs.uz

2021 йил 13 июль, № 146 (7926)

Сешанба



Янги Ўзбекистонда эркин ва фаровон яшайлик!

Марказий Осиё — асрлар давомида умумий маданий маконга эга ягона организм. Ягона тарих, тилларнинг ўхшашлиги, умумий урф-одатлар ва қадриятлар келажакни биргаликда ва ўзаро ҳамкорликда қуриш учун кенг имкониятларни яратади.

Ўзбекистон Республикаси Президенти Шавкат МИРЗИЁЕВ

КЕЛАЖАКНИ БИРГАЛИКДА ҚУРИШ ЙЎЛИДА

Минтақавий ҳамкорликнинг янги босқичи — Ўзбекистоннинг прагматик ташқи сиёсати натижасидир.

Маълумки, Президентимиз бошчилигида олиб борилаётган янги ташқи сиёсат натижасида Марказий Осиёда минтақавий ҳамкорлик фаоллашди. Мана шундай шароитда "Давлатлараро муносабатлардаги ижобий ўзгаришлар қай даражада барқарор? Унинг давомийлигига қандай омиллар ва мезонлар ёрдам беради?" каби саволлар бўйича чуқур мулоҳаза юритиш ҳамда уларга жавоб излаш долзарб аҳамият касб этади.

Ташаббус

Авалло таъкидлаш жоизки, Марказий Осиё Ўзбекистоннинг очиклик, хайрихоҳлик ва прагматик минтақавий сиёсати тўғрисида, принципал жиҳатдан янги босқичга кўтарилиди. Утган беш йил давомида, минтақавий ҳамкорликни ривожлантириш борасида, том маънода тарихий натижалар ҳамда ўзаро алоқадор жараёнларни ривожлантиришга эришилди. Таҳлил натижалари шуни кўрсатадики, Марказий Осиё давлатлари мустақилликка эришганидан сўнг минтақада турли интеграциявий тузилмалар фаолият олиб борган. Марказий Осиё иқтисодий ҳамжамияти, Марказий Осиё ҳамкорлик ташкило-

ти ва Марказий Осиё иттифоқи шулар жумласидандир. Бироқ айрим тўсиқлар ва камчиликлар сабабли, мазкур ташкилотлар фаолияти бардавомлигига пугур етди. Биринчидан, Марказий Осиё мамлакатларида 1990 йиллар бошларида миллий давлатчиликни шакллантириш масалалари устувор ҳисобланган. Иккинчидан, мустақилликнинг дастлабки йилларида минтақа давлатлари ўртасида товар айирбошлаш ҳажмининг кескин пасайиши ва аввалги иқтисодий алоқаларнинг заифлашуви натижасида хорижий давлатлар билан шериклик муносабатларини ўрнатиш сиёсати устуворлик қилди.

Учинчидан, сиёсий-иқтисодий масалалар бўйича давлатларнинг шаклланиши даврида ислохотларнинг турли моделлари ва суръатлари юзага келди. Экспертларнинг фикрича, минтақавий ҳамкорликка тўқсунлик қилувчи муайян сабаблар вақтинчалик эди, албатта. Бинобарин, "Марказий Осиё" топонимидан турли тарихий даврларда турлича фойдаланилган бўлса-да, аввало, географик, этномаданий ва сиёсий жиҳатдан минтақа ривожланиши даврида ҳеч қачон давлатлараро муносабатларни чекловчи чегаралар мавжуд бўлмаган. Шу боис ҳам минтақа халқларининг кўп асрлик муносабатлари, ма-

данияти, дини ва тили, шунингдек, умуминсоний қадриятларга содиқлиги давлатлараро юзага келиши мумкин бўлган муаммоларга яқдил жавоб қайтариш, уларни ҳал этишнинг самарали йўллари аниқлаш ҳамда тараққиёт учун биргаликда интилиш йўлида муҳим асос яратади. Шу нуқтаи назардан, кўлаб хорижий экспертлар минтақавий ҳамкорликнинг аҳамиятини юқори баҳолайди. Уларнинг фикрига кўра, ягона тарих, географик боғлиқлик, умумий маданият ва дин каби омиллар минтақа давлатларининг турли хатарлар ҳамда таҳдидларга қарши биргаликда курашишда ўзаро ҳамкорликнинг

муқаррарлиги ва устуворлигини белгилаб берди. Марказий Осиё давлатлари ўз сиёсий ва ижтимоий-иқтисодий тараққиёт йўли ҳамда ташқи сиёсий-иқтисодий устувор йўналишларини танлаб олган бўлсалар ҳам кўп йиллик савдо-иқтисодий, транспорт-коммуникация ва энергетика соҳасидаги алоқалар, шунингдек, мунтазам равишда замонавий хатарлар ҳамда таҳдидларни барта- раф этиш йўлидаги сазой-ҳаракатлар уларни доимий равишда бирлаштириб келган.



Мушоҳада

СОЛИҚ-БЮДЖЕТ СОҲАСИДАГИ ИСЛОҲОТЛАР САМАРАСИ

юртдошларимизнинг ҳаёти ва турмуш тарзида яққол акс этмоқда

Ислохотлар қачон муваффақиятли, деб тан олинади? Албатта, улар шу юрtdа яшовчи инсонлар ҳаёт тарзи ва турмуши ижобий томонга ўзгаришига сабаб бўлгандагина, шундай юксак эътирофга муносиб кўрилади.

Бу ҳақда бежиз гап очмадик. Эътибор берсангиз, охириги беш йилда юртимизда катта ишлар қилиниб, салмоқли ютуқлар қўлга киритилди. Буни барчамиз кўриб-билиб турибмиз, хорижликлар ва халқаро ташкилотлар томонидан ҳам тез-тез эътироф этиб келинмоқда.

Миллий иқтисодий тизимиз барқарор ривожланишини ҳамда бюджет тизимини шакллантириш таъминлаш, шунингдек, солиқ юқини камайтириш ва солиқ маъмуриятчилигини соддалаштириш орқали аҳоли реал даромадини ҳамда тадбиркорлик субъектларининг манфаатдорлигини ошириш борасидаги эзгу сазой-ҳаракатларни бунга ёрқин мисол сифатида келтириш мумкин.

Бу борада қандай натижаларга эришганлигимизни тўлиқ тасаввур этиш учун охириги йилларда мазкур йўналишда амалга оширилган ишларни яна бир кўз кўзимиздан ўтказасан кифоядир.

Единги эда бўлса, Президентнинг 2018 йил 29 июндаги "Ўзбекистон Республикасининг солиқ сиёсатини такомиллаштириш концепцияси тўғрисида"ги Фармони билан солиқ муносабатлари соҳасида янги тартиб-та-

моийлар жорий этилган эди. Унга кўра, 2019 йил 1 январдан бошлаб барча фуқаролар учун жисмоний шахслардан олинган даромад солиғи ягона ставкаси 12 фоиз қилиб белгиланди ва фуқароларнинг меҳнатга ҳақ тўлаш туридаги даромадларидан бюджетдан ташқари Пенсия жамғармасига ўшлаб қолинган сугурта бадаллари бекор қилинди. Натижада нафақат аҳолининг реал даромадлари ошди, қолаверса, солиқ тўловларини ҳисоблаш билан боғлиқ вақт ва моддий харажатлар қисқаришига ҳам эришилди.

Концепция доирасидаги имтиёз ва қулайликлар нафақат жисмоний, балки юридик шахслар мақомидаги тадбиркорлик субъектлари учун ҳам кўзда тутилган бўлиб, тадбиркорлик субъектлари учун ягона ижтимоий тўлов (янги тахрирдаги Солиқ кодексига мувофиқ, ижтимоий солиқ деб номланган) ставкаси 15 фоиздан 12 фоизга пасайтирилди.

Кенг жамоатчилик ва тадбиркорлик субъектлари томонидан эътироф этилган ўзгаришлардан бири — 2019 йил 1 январдан бошлаб давлат мақсадли жамғармаларига юридик шахслар айланмасидан ундирилмаган мажбурий ажратма бекор қилингандир. Шунингдек, фойдали хизмат мuddати тугаган, тўлиқ эскирган ускуналардан фойдаланганлик учун ҳам тўловдан воз кечиди.



Марказий ва Жанубий Осиё:

ТАРАҚҚИЁТГА ЕТАКЛОВЧИ ҲАМКОРЛИК

Тошкентда 15-16 июль кунлари бўлиб ўтадиган "Марказий ва Жанубий Осиё: минтақавий боғлиқлик. Таҳдидлар ва имкониятлар" анжуманига қизгин тайёргарлик кўрилмоқда.

Конференция кун тартибидан Марказий Осиё ва Жанубий Осиё давлатлари орасида савдо, инвестициялар, транспорт, энергетика ҳамда инновациялар, "яшил технология" соҳаларида

ҳамкорликни ривожлантириш масалалари ўрин олган.

Анжуман олдидан Олий Мажлис Қонунчилик палатаси Халқаро ишлар ва парламентлараро алоқалар қўмитаси раиси ва аъзолари Марказий Осиё ҳамда Жанубий Осиё ўртасида ҳамкорликни кенгайтириш истиқболларига оид фикрларини баён қилишди.

2-саҳифага қаранг.



Ватанимиз мустақиллигининг 30 йиллигига

ХАЛҚ ДЕЙДИКИ...



АНДИЖОН ВИЛОЯТИ

Бутун бир мамлакат тарихи учун ўттиз йил жуذا қисқа вақт. Бироқ Ўзбекистон мана шу давр мобайнида нималарга қодир эканлигини амалда кўрсатаёттир. Айнқса, сўнги йилларда амалга оширилаётган ислохотлар жаҳон миқёсида эътироф этилмоқда.

Мамлакатдаги ўзгаришлар,

эришилаётган ютуқлар, ҳар бир соҳадаги туб ислохотлар, аввало, оддий халқ дунёқарашини, тафаккурини, муҳими, турмуш тарзига ижобий таъсир кўрсатмоқда. Бугунги жараёнлар бевосита халқ хоҳиш-иродаси, талаб ҳамда истаклари, сазой-ҳаракатлари билан амалга ошяпти.

Орtdа қолаётган йиллар, эриши-

лаётган ютуқлар, босиб ўтилаётган доволлар фикримизни, онгу-шууримизни ҳам чарчлаттир. Эндликда шу юрт фуқароси борки, бир саволга жавоб топмоқ истайди: "Мен Ватаним учун нима қилдим?" Шу саволнинг ўзи замонашларимизни эзгу мақсадлар ила дадил одим ташламоққа ундайди.

Мустақиллик йилларида мамлакатимизнинг барча ҳудудида бўлгани каби Андижон вилоятида ҳам улкан бунёдкорлик ва ободонлаштириш ишлари амалга оширилди. Бугун андижонликлар замон билан ҳамнафас, маррани билан олиб ҳаракат қилмоқдаки, бу орзулар рўйбига йўл очаеттир.

4-саҳифага қаранг.

